



MIÐVIKUDAGUR 12. JÚNÍ 2013
5. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2



BESTA SVARIÐ

Selma Björnsdóttir velur
bestu svörin í nýjum
skemmtipætti Sveppa.



HEIMSÓKN

Sindri Sindrason býður
í heimsókn.



OZ-APPIÐ

Tímamót í íslenskri
sjónvarpssögu.



BIÐIN ER Á ENDA

GLÆNÝ ÞÁTTARÖÐ AF
ARRESTED DEVELOPMENT
HEFST Á STÖÐ 2 Á FÖSTUDAG

FRÁBÆR TILBOÐ
Í STÖÐ 2 VILD

VELKOMIN TIL FRAMTÍÐARINNAR MEÐ STÖÐ 2 OG OZ-APPINU

Áskrifendur Stöðvar 2 geta nú hlaðið niður OZ-appinu sem gerir þeim kleift að streyma sjónvarpsútsendingum í spjaldtölvur og snjallsíma. Einnig verður hægt að taka upp uppáhaldssjónvarpsefnið og seinka útsendingum. OZ-appið virkar í iPad, iPod touch, iPhone IOS 6 eða nýrri útgáfum.

Nýja OZ-appið er sannkölluð bylting fyrir sjónvarpsáhorfendur en með því gefst þeim kostur á að horfa á valdar sjónvarpstöðvar Stöðvar 2, hvar og hvenær sem er, í spjaldtölvunni eða símanum. OZ-appið býður upp á einfalda aðgerð þar sem hægt er að velja hvaða uppáhaldspátt eða kvikmynd á að taka upp og horfa á

síðar þegar betur hentar. Þetta er frábær kostur til að safna saman bestu kvikmyndunum frá Stöð 2 Bíó á einn stað, eftirlæstisteikni-myndunum frá Stöð 2 Krakkar og bestu sjónvarpsþáttunum á Stöð 2 og Stöð 2 Gull.

Einnig er hægt að seinka útsendingum um allt að klukkutíma sem er einstaklega heppi-

legt ef til dæmis komið er inn í miðja bíómynd eða íþróttaleik. Þá er minnsta mál að spóla til baka að byrjun bíómyndar eða íþróttaleiks og áskrifendur missa ekki af neinu.

Þá er hægt að streyma

útsendingunni áfram á hefðbundinn sjónvarpsskjá í gegnum Apple TV. Áskrifendur geta því horft á útsendingu í tækjum sínum frá Stöð 2, Stöð 2 Bíó, Stöð 2 Krakkar, Gull, Stöð 2

Sport, Popptívi og Stöð 2 Sport 2. Auðvelt er að sækja OZ-appið. Áskrifendur fara einfaldlega inn á www.stod2.is og skrá sig.

Þessi frábæra nýjung verður bylting fyrir sjónvarpsáhorfendur. Nú þarf ekki lengur að horfa á sjónvarp eftir fyrir fram ákveðinni dagskrá, heldur stýra áskrifendur tímasetningunni sjálfir. Sannkallað framfaraskref og stórukið frelsi fyrir viðskiptavinum Stöðvar 2.



Guðjón Már Guðjónsson, forstjóri OZ, og Ari Edwald, forstjóri 365.

OZ-APPIÐ ER BYLTING FYRIR ÁSKRIFENDUR

„Það má svo sannarlega segja að áskrifendum okkar bjóðist að stíga inn í framtíðina,“ segir Ari Edwald, forstjóri 365, um nýja OZ-appið. Hann segir fyrirtekið afar stolt af þessari nýju þjónustu sem sé viðbót við aðrar dreifileiðir sjónvarpsefnis, sem þegar eru í boði.

„Þetta er algjör bylting fyrir áskrifendum okkar. Nú geta þeir streymt öllum stöðvum Stöðvar 2 beint í snjallsímann og spjaldtölvuna og um leið seinkað útsendingum og safnað uppáhaldsefninu sínu. Þessi frábæra þjónusta nýtist öllum, börnum sem fullorðnum, og á vafalaust eftir að slá í gegn. Í gegnum þessa græju upplifir fólk fyrir alvöru gæðin á dagskrá Stöðvar 2 og fylgistöðvanna. Að geta skoðað dagskrána viku fram í tímann í frábæru viðmóti og safnað því sem hugurinn gírnist með einni snertingu.“



Nú þarf ekki lengur að horfa á sjónvarp eftir fyrir fram ákveðinni dagskrá, heldur stýra áskrifendur tímasetningunni sjálfir. OZ-appið er sótt inn á www.stod2.is.

OZ

ÓMISSANDI Í VIKUNNI

HÍÐ BLÓMLEGA BÚ
Miðvikudag
Kl. 20.00



GRILLAÐ MEÐ JÓA FEL
Fimmtudag
Kl. 20.00

MOULIN ROUGE
Föstudag
Kl. 20.30




HEIMSÓKN
Laugardag
Kl. 18.55

THE KILLING
Sunnudag
Kl. 21.35



KINGDOM OF PLANTS
Mánudag
Kl. 22.15

MIKE & MOLLY
Þriðjudag
Kl. 20.25





SELMA VELUR BESTU SVÖRIN

BESTA SVARIÐ
Kl. 20.00 föstudaga Hefst 14. maí

Spurninga- og skemmtipátturinn Besta svarið hefur göngu sína á Stöð 2 á föstudagskvöldið kemur. Um er að ræða glænýjan þátt sem Sverrir Þór Sverrisson, Sveppi, stýrir með ekkert sérstaklega harðri hendi. Í hverjum þætti mætir til leiks þjóðkunnur einstaklingur með þrjá vini sína sem eiga að keppast við að svara spurningum um aðalgest þáttarins. Selma Björnsdóttir er gestur fyrsta þáttarins og fá áhorfendur að vita ýmislegt sem þeir ekki vissu áður um Selmu. Til dæmis hvað Selmu finnst

mest þirrandi við börn, hvaða íslenska hljómsveit fer mest í taugarnar á henni og með hvaða Hollywood-leikara hún myndi helst vilja eiga börn, svo fátt eitt sé nefnt.

Vinkonur Selmu, þær Unnur Ösp Stefánsdóttir, Björk Eiðsdóttir og Nína Dögg Filippusdóttir, keppast við að finna bestu svörin fyrir Selmu, sem sjálf þarf að velja hver þeirra þekkir hana best.

Það er til mikils að vinna því sú vinkona sem á flest bestu svörin fær að launum helgarferð til Evrópu með Selmu.



SÁLFRÆÐINGUR VERÐUR BORGARSTJÓRI

BOSS
Mánudaga kl. 22.05

Bandaríski leikarinn Kelsey Grammer, sem er kannski best þekktur sem Frasier Crane, hefur fimm sinnum fengið Emmy-verðlaun. Persóna Frasers Crane varð fyrst til í hinum vinsælu Cheers-þáttum sem leiddu síðan til þess að gerðir voru þættir um útvarpssálfræðinginn sjálfan. Nú gerir Kelsey Grammer garðinn frægan í þáttunum Boss, þar sem hann fer með hlutverk borgarstjórans Toms Kane sem glímur við erfið veikindi. Sögu sviðið er Chicago. Önnur þáttasería um Boss fer í loftið á Stöð 2 á þjóðhátíðardaginn, 17. júní.

Kelsey Grammer er 58 ára, á fjögur hjónabönd að baki, fimm börn og eitt barnabarn. Yngsta barn hans er tíu mánaða stúlka, Faith, sem hann á með núverandi eiginkonu, Kayte, sem er 32 ára. Frasier-þættirnir gengu í ellefu ár og eru stöðugt í endursýningu, þar á meðal á Stöð 2 á sunnudagskvöldum.





HEIMSÓKN TIL SINDRA

HEIMSÓKN
Kl. 18.55 laugardag

„Stofur í húsum eru oft lítið notaðar en ég nota mína mikið. Ætli hún sé ekki minn uppáhaldsstaður enda miðja hússins,“ segir Sindri Sindrason þegar hann er spurður um uppáhaldsstaðinn á heimilinu.

Heimili Sindra er á fimm pöllum og er inngangurinn á hæðinni fyrir ofan stofuna. „Þegar inn er komið blasa stofan og borðstofan við og því liggur beinast við að bjóða gestum beint til stofu,“ segir hann.

„Ég er mjög duglegur að bjóða fólki heim og held oft matarboð. Ég er hins vegar hræðilegur kokkur og verð alltaf að panta mat,“ segir hann hlæjandi en bætur við að gestirnir huggi sig við að hann geri í staðinn bestu kokteila í heimi sem hann leggur mikinn metnað í. „Maður er líka að komast á þann aldur að bæjarferðum fækkar sífellt, frekar er setið fram eftir í matarboðum og spjallað.“ Sindri hefur, ásamt því að ritstýra Íslandi í dag, bankað upp á á íslenskum heimilum í vetur í þætti sínum Heimsókn. Hann lýsir þættinum sem blöndu af Innliti útliti og Sjálfstæðu fólki.

„Að mínu mati segir heimilið mjög mikið um persónuleika fólks. Við Jón Grétar klippari erum búnir að gera fjörutíu þætti og eru heimilin jafn ólík og þau eru mörg.“ En segir heimili hans eitthvað um hann sjálfan? „Já, það gerir það eflaust. Ég safna til dæmis myndlist og hef gert alveg frá því ég var unglingur. Ég fór að stunda uppboð og myndlistarsýningar í menntaskóla, sem er auðvitað mjög norðalegt. Ég blanda mikið saman klassískri hönnun sem ég veit að eldist vel, við ódýrari smáhluti sem ég skipti oftar út. En það sem mér finnst gera heimili heimilisleg eru myndir af fjölskyldunni, fallegar bækur og mottur og er ég til að mynda með mynd af dóttur minni í stærð 80 x 80 uppi á vegg, kannski aðeins of mikið, en hún er bara svo dásamlega falleg,“ segir hann hlæjandi. „Spurður hvort hann sé heimakær segir hann bæði og. „Mér finnst nauðsynlegt að ferðast og skemmta mér en kósýkvöldum hefur fjölgað mikið eftir að stelpan kom til sögunnar.“

Fertugasti þátturinn af Heimsókn fer í loftið á laugardaginn klukkan 18.55.

Síðasti þáttur fyrir sumarfrí verður sýndur 22. júní. Þáttaröðin hefst aftur 7. september.



Lindsay Bluth Fünke

Leikin af: Portia de Rossi
Lindsay hefur aldrei dýft hendi í kalt vatn, hvað þá meir, og er þar af leiðandi einstaklega ófær um að vera sinnar eigin gæfu smiður. Hún fær reglulega dellur fyrir mönnum og málefnum sem hún telur sér brýnt að berjast fyrir, en missir áhugann jafnharðan.

Tobias Fünke

Leikinn af David Cross
Tengdasonurinn sem er eftirlæti margra áhorfenda en engra í Bluth-fjölskyldunni. Sérlega misheppnaður í hverju sem hann tekur sér fyrir hendur, hvort sem það er á sviði leiklistar eða sem sérfræðingur með afar vafasamt og heimatilbúið starfsheiti („anal-rapist“). Tobias verður þó seint sakaður um að vera ekki úrræðagóður og hefur meðal annars dulbúið sig sem breska barnfóstru í þeirri von að rækta sambandið við dóttur sína. Það mistókst að sjálfsgöðu.

Maeby Fünke

Leikin af Alia Shawkat
Einhver snjallasti liðsmaður Bluth-fjölskyldunnar, sem þurft hefur að læra að standa á eigin fótum þar sem foreldrar hennar (Tobias og Lindsay) geta ekki með nokkru móti hugsað um aðra en sig sjálf. Hefur náð að skapa sér nafn í kvikmyndaframleiðslu í draumaborginni Hollywood með því að villa á sér heimildir.

Stöð 2 hefur á föstudag sýningar á glænýrri röð af gamanþáttunum Arrested Development. Þessa fjórðu þáttaröð má með sannri segja að sé tilkomin vegna fjölda áskorana, en rúm sjö ár eru síðan þriðja þáttaröðin rann sitt skeið á enda. Þrátt fyrir að geta státað af Emmy- og Grammy-verðlaunum mældist áhorf þáttanna ekki sem skyldi á sínum tíma og hætt var að sýna þá. Síðan þá hafa myndiskar með þáttunum selst sem heitar lummur og þættirnir öðlast sess sem einhverjir best heppnuðu sjónvarpsþættir síðustu ára. Á endanum var því ákveðið að ráðast í gerð fjórðu þáttaraðarinnar með alla leikarana innanborðs. Afraksturinn geta áskrifendur Stöðvar 2 séð frá og með næsta föstudagskvöldi.

ARRESTED DEVELOPMENT
Kl. 19.35 föstudaga
Hefst 14. maí.



DAVID ATTENBOROUGH
Kl. 19.45 mánudag

ATTENBOROUGH KOMINN Á STÖÐ 2

Nýr og afar fróðlegur þáttur úr smiðju Davids Attenborough verður sýndur á Stöð 2 mánudaginn 17. júní. Þátturinn heitir Kingdom of Plants og fjallar um þróun plantna hér á jörðu til dagsins í dag. Nýjasta upptökutækni var notuð við tökum en þær stóðu yfir í eitt ár. Myndatakan fór öll fram í Konunglega grasagarðinum í Kew í Englandi. Konunglegi grasagarðurinn er safn grasagarða og gróðurhúsa í suðvesturhluta London og geymir um 90% af öllum plöntum jarðar. Fjöldi ferðamanna heimsækir garðinn ár hvert en hann var opnaður árið 1759. Þátturinn er klukkutími að lengd og hefst 19.45.

STERK

Peggy Olson:

Byrjaði sem ritari en vann sig upp í starf auglýsingatextahöfundar.

Varð ófrísk eftir Pete Campbell og gaf barnið til ættleiðingar.

Náði frama innan auglýsingastofunnar með mikilli vinnu og undir handleiðslu Dons Draper.

Yfirgaf stofuna til að vinna hjá Cutler, Gleason, and Chaough.

Er nú farin að vinna á ný með Draper eftir sameiningu auglýsingastofanna.

Elisabeth Moss:

Fæddist í Kaliforníu 1982.

Sást fyrst á skjánum aðeins átta ára í þáttunum Lucky/Chances.

Hefur leikið minniháttar hlutverk í ýmsum þáttum og kvikmyndum.

Á árunum 1999 til 2006 lék hún Zoey Bartlet, dóttur forsetans, í þáttunum The West Wing.

Hefur leikið Peggy Olson frá 2007.

Hefur hlotið þrjár Emmy-tilnefningar fyrir hlutverkið.

Moss tilheyrir Vísindakirkjunni.

Michael Bluth

Leikinn af Jason Bateman

Í upphafi virkar Michael sem eini maðurinn með viti í fjölskyldunni, en eftir smá stund komast áhorfendur að því að hann er alveg jafn misheppnaður. Hann telur sig þó talsvert yfir fjölskylduna hafinn og reynir að ráðskast með liðið, ekki síst son sinn George Michael.

George Bluth eldri

Leikinn af Jeffrey Tambor

Fjárglæfamaðurinn og föðurlands-svikarinn George eldri hefur setið í fangelsi meirihluta síðastliðinna ára ef frá eru taldar flóttatilraunir. Gengur alltaf eitthvað til með gjörðum sínum og ákvörðunum og er sama hvort börnin hans eða eiginkonan þurfa að súpa seyðið af því.

Buster Bluth

Leikinn af Tony Hale

Örverpið sem losnar seint undan ofríki móðurinnar og kærir sig ef til vill ekkert um það. Taugaveiklaður mömmustrákur sem má ekki undir neinum kringumstæðum komast í sykraðan ávaxtasafa en þá verður allt vitlaust. Á hann vantar aðra höndina, en sæljón beit hana af þegar Buster fór eitt sinn að synda í sjónum þrátt fyrir andstöðu móður sinnar.

Lucille Bluth

Leikin af Jessica Walter

Ættmóðirin drykkfellða sem átti í ástarsambandi við tvíburabróður eiginmanns síns. Stjórnar Buster með harðri hendi og reynir að hafa áhrif á líf barna sinna með misgóðum árangri.

George Michael Bluth

Leikinn af Michael Cera

Yndislega vandræðalegi unglingurinn með skemmtilega nafnið sem elskar frænku sína, Maeby, miklu meira en eðlilegt getur talist. Hann átti einnig kærustuna Ann, sem þótti einstaklega óeftirminnleg. George Michael hefur staðið vaktina í bananasölu fjölskyldunnar enda setur hann hagsmuni sína aldrei í forgang og gerir allt sem faðir hans segir.

(George Oscar) GOB Bluth

Leikinn af Will Arnett

Elsti Bluth-bróðirinn yrði seint skilgreindur sem ættarsóminn. Töfra- maður að mennt en sérlega hörnu- legur sem slíkur og eiginlega bara misheppnaður í hverju því sem hann tekur sér fyrir hendur. Hann lætur þó aldrei deigan síga og ferðast um allt á Segway-hjól sínu.

VISSIR ÞÚ AÐ...

- Sögumaður þáttanna er bandaríski leikstjórinn Ron Howard (A Beautiful Mind, The Da Vinci Code). Upphaflega ætlaði hann þó bara að tala inn á prufuþáttinn en þótti smellpassa í hlutverkið svo hann hélt verkinu áfram.
- Rainn Wilson (The Office) og Will Arnett komu báðir til álíta í hlutverk GOB, hlutverkið sem Arnett síðan hrepti.
- Tobias og George eldri áttu upphaflega ekki að koma mikið við sögu í þáttunum. Vægi þeirra var þó aukið til muna eftir að persónurnar eignuðust marga aðdáendur.
- Litlu mátti muna að Michael Cera hefði ekki fengið atvinnuleyfi í tæka tíð til að taka að sér hlutverk Georges Michaels, en hann er kanadískur.
- Nærri allar heimasíður sem minnst er á í þáttunum voru virkar á meðan þættirnir voru í sýningu, t.d. www.imoscar.com og www.never-nude.com.

Arrested Development AFTUR Á SKJÁNN

Fjórða þáttaröð hinna geysivinsælu gamanþátta Arrested Development hefst næsta föstudag á Stöð 2. Rúm sjö ár eru síðan síðustu þáttaröð lauk og hafa aðdáendur þáttanna beðið lengi eftir endurkomu þeirra.

AR KONUR MAD MEN

Joan Harris (áður Holloway):

Byrjaði sem skrifstofustjóri hjá Sterling Cooper.

Átti í löngu ástarsambandi við Roger Sterling.

Giftist læknum Greg Harris.

Varð ófrísk eftir Roger Sterling án vitundar eiginmannsins.

Skildi við lækinn.

Varð hluthafi í auglýsingastofnunni en til þess þurfti hún að sinna ógeðfelli viðviki með kúnna.

Christina Hendricks:

Var fyrirsæta frá 18 ára aldri en hætti 27 ára.

Hún er 38 ára í dag.

Hún hefur leikið aukahlutverk í fjölda sjónvarpsþátta, til að mynda Las Vegas, ER og Firefly.

Hefur komið fram í nokkrum kvikmyndum, til að mynda Drive.

Nýtur aðáunar fyrir íturvaxinn líkama og hefur breytt ímynd fólks um það hvernig sjónvarpsstjarna skuli líta út.

Umræðan um líkama hennar fer sérlega í taugarnar á leikkonunni.

Hin rauðhærða leikkona er í raun og veru ljóshærð en hefur lítað hárið frá tíu ára aldri eftir að hún las Önnu í Grænuhlíð.

Hendricks spilar á harmóníku.

Betty Francis (áður Draper):

Fyrirverandi eiginkona Dons Draper og móðir þriggja barna þeirra.

Útskrifaðist frá Bryn Mawr og starfaði sem fyrirsæta þegar hún hitti Don.

Skilur við Don þegar hún kemst að öllu framhjáaldinu.

Giftist Henry Francis.

Samband hennar við börnin er fremur þvingað.

January Jones:

Hefur leikið í þáttum og myndum á borð við Anger Management, Love Actually, Dirty Dancing: Havana Nights, We Are Marshall, Law & Order, The Boat That Rocked, Love's Enduring Promise og American Wedding.

Árið 2002 var hún nr. 82 á lista Maxim yfir hundrað eftirsóttustu konur heims.

Lék í Saturday Night Live árið 2009 en fékk heldur lélega dóma.

Árið 2011 lék hún í kvikmyndinni Unknown og lék Emmu Frost í X-Men: First Class.

Hefur unnið að náttúruvernd og er í mun að bjarga hákörnum í útrýmingarhættu.

Megan Draper (áður Calvet):

Kom fyrst fram í fjórðu seríu sem textahöfundur.

Er frá Montreal og frönskumælandi.

Gerist ritari Dons Draper.

Giftist Don Draper.

Starfar nú sem leikkona í sápuóperu.

Jessica Paré:

Er 33 ára, fædd og uppalin í Montreal í Kanada.

Hefur leikið í kvikmyndunum Stardom, Lost and Delirious, Wicker Park og Hot Tub Time Machine.

Talar bæði ensku og frönsku.

Í upphafi fimmtu seríu Mad Men söng Paré hið fræga lag Zou Bisou Bisou, og var það gefið út á netinu og á vinyllplötu.

MYND HELGARINNAR



DARK SHADOWS
Kl. 22.30 laugardag

Johnny Depp og Helena Bonham Carter í mynd eftir Tim Burton um vampíruna Barnabas Collins, sem snýr aftur til fjölskyldu sinnar eftir útleigð.

10 BÍÓ Á STÖÐ 2 BÍÓ

BÍÓ TOPPMYNDIR
Kl. 22.00 alla daga

Miðvikudagur

Flypaper

Rómantísk gamanmynd frá höfundum Hangover um bankarán sem fer gjör-samlega úr böndunum. Með aðalhlutverk fara Patrick Dempsey og Ashley Judd.



Fimmtudagur

The 41-Year Old Virgin Who Knocked Up Sarah Marshall and Felt Superbad About It

Eins og nafnið gefur til kynna er hér á ferðinni gamanmynd sem gerir stólpagrín að vinsælustu gamanmyndum síðastliðinna ára.

Föstudagur

The Grey

Liam Neeson fer með aðalhlutverkið í þessari spennu- mynd sem segir frá eftirlifendum flugslyss sem reyna að halda lífi úti í skógi, þar sem óvættir feta í hvert fótspor þeirra.



Laugardagur

Normal Adolescent Behaviour

Á tímum skyndikynna ákveða þeir vinir að halda hópinn og taka ekki þátt í því að sofa hjá hverjum sem er. Málin flækjast þó þegar ein í vínahópnum verður ástfangin af strák sem ekki er í hópnum.



Sunnudagur

J. Edgar

Áhrifamikil og sannsöguleg mynd um J. Edgar Hoover, sem var hæstráðandi hjá bandarísku alríkislögreglunni um áratuga skeið og þar með einn valdamesti maður Bandaríkjanna. Með aðalhlutverk fara Leonardo DiCaprio, Judi Dench og Naomi Watts.



Mánudagur

Sumarlandið

Frábær íslensk gamanmynd í leikstjórn Gríms Hákonarsonar með Kjartani Guðjónssyni og Ólafíu Hrönn Jónsdóttur í aðalhlutverkum. Hvað gerist þegar fjölskylduafarir selur álfastein úr garðinum til að bjarga fjárhag fjölskyldunnar?



Þriðjudagur

Paul

Gegguð gamanmynd um myndasögunörda sem fá óvæntan ferðafélaga á leið sinni um Bandaríkinn. Frá sömu aðilum og gerðu Hot Fuzz og Shaun of the Dead.

VÖNDUÐ FÖT Á BÖRNIN

Nú býðst áskrifendum í Stöð 2 Vild 25% afsláttur af öllum fatnaði hjá barnafataversluninni Rokký Reykjavík á Smáratorgi (gengið inn um sama inngang og þegar farið er á Læknavaktina).

Rokký selur vandaðan barnafatnað frá þekktum framleiðendum. Meðal vörumerkja eru Hummel, Nova Star, Me too, Maxomorra og 4funkyflavours. Þá er verslunin þekkt fyrir mikið úrval fallegra tjullpílsa. Vörurnar eru fyrir börn á aldrinum 0-12 ára og er verslunin opin alla daga frá 11 til 18.



VILD
er snilld

ROKKÝ REYKJAVÍK

LIFANDI
MARKAÐUR

VÆNTANLEGT

Vildaráskrifendum Stöðvar 2 býðst heill heimur af fríðindum, frístöðvum og tilboðum sem samstarfsaðilar bjóða upp á. Lifandi markaður og Skemmtigarðurinn í Grafarvogi eru meðal fyrirtækja sem væntanleg eru í vildarkerfi Stöðvar 2.



SPORT 2 **MANSTU**
enski boltinn Kl. 20.00 föstudag

HVAÐ MUNA PÚLLARAR?

Spurningabátturinn Manstu er helgaður sögu Liverpool á Stöð 2 Sport 2 á föstudagskvöld. Guðmundur Benediktsson stýrir þessum bráðskemmtilega þætti þar sem tvö lið, skipuð annál-uðum stuðningsmönnum Liverpool, eigast við. Þátturinn markar endapunkt í Liverpool-viku á Stöð 2 Sport 2 en öll dagskráin hefur verið helguð Rauða hernum.


Næsta vika verður tileinkuð Chelsea og Guðmundur Benediktsson stýrir nýjum þáttum sem tengjast því frábæra liði með einum eða öðrum hætti alla virka daga klukkan 20.00. Á mánudagskvöldið verður hann með skemmtilegt viðtal við Eið Smára Guðjohnsen sem lék með Chelsea um árabíl og varð enskur meistari með liðinu 2005 og 2006.

DALLAS
Kl. 20.50 miðvikudaga

JR EWING KVEÐUR

Einn frægasti sjónvarpsleikari í heimi, Larry Hagman, lést 23. nóvember 2012 þegar tókur stóðu yfir á annarri þáttaröð í nýrri seríu af Dallas-þáttunum. Það var um miðja þáttaröðina sem JR varð allur. Handritshöfundar brugðust við með því að fella loks JR Ewing með viðeigandi hætti. Áhorfendur Stöðvar 2 munu fylgjast með því fljótlega.

Árið 1977 tók Larry Hagman við hlutverki JR Ewing, olíubaránsins á Southfork-búgarðinum, sem gerði hann heimsfrægan. Dallas gekk í þrettán þáttaröðum en í nóvember 1980 biðu 350 milljónir áhorfenda eftir að vita hver skaut JR. Enginn þáttur hefur hlotið jafnmikið áhorf. Hagman var fæddur í Fort



JR Ewing eða Larry Hagman hress og kátur í nýjum Dallas-þáttum. Eftir eina og hálfu þáttaröð var hann allur.


Worth í Texas í september 1931 og var því 81 árs þegar hann lést. Linda Grey, sem lék eiginkonu JR, Sue Ellen, og var náinn vinur í 35 ár, var viðstödd þegar hann andaðist ásamt fjölskyldu leikarans. Banamein hans var krabbamein. Hagman var kvæntur sænskum hönnuði, Maj Axelson, í tæplega sextíu ár og

eignuðust þau tvö börn. Larry Hagman varð fyrst frægur árið 1965 þegar hann lék í gamanmyndabáttunum I Dream of Jeannie. Þrátt fyrir að JR sé ekki lengur við völd í þáttunum hefur verið ákveðið að gera þriðju þáttaröðina af Dallas, alls fimmtán þætti, sem verða sýndir á næsta ári.


Til hamingju

með sjónvarp framtíðarinnar


OZ



iPad 4
Verð frá: **89.990.-**



iPad mini
Verð frá: **59.990.-**



iPhone
Verð frá: **79.990.-**



iPod touch
Verð frá: **43.990.-**

Tilboð:

iPad mini WiFi 16GB + Apple TV

76.990.-*

Listaverð: 83.980.-



Með Apple TV er hægt að senda beint úr OZ appinu í sjónvarpið**

epli.is

Smáralind

Virka daga 11 - 19 / Fimmtudaga 11 - 21 / Laugardaga 11 - 18
Sunnudaga 13 - 18 | Sími 512 1330

Laugavegi 182

Virka daga 10 - 18 | Laugardaga 11 - 16 | Sími 512 1300

Þirt með fyrirvara um prentvillur og verðbreytingar.
*Tilboð gildir til 30. júní 2013.
** Sjónvarp þarf að vera með HDMI tengi til að tengjast Apple TV.

SUMARGLAÐNINGUR

FRÁBÆR KAUP FRÁ THOMSON



HD
TV
1080p

3D
intense

200Hz
CMi
ClearMotionIndex

Smart TV

Share & See
Home Network Devices

LEDedge

DVB-T DVB-C DVB-S DVB-S2 CI+

Ótrúlega vel búið 46" SmartTV LED sjónvarp með ótal tengimöguleikum, háskerpu upplausn og þrívídd. Eitt með öllu.

Thomson 46FU7765

169.990

Myndgæði

Tækið er með háskerpu upplausn 1920x1080, 200Hz clear motion index, Mega Contrast og öflugum Pure Image Ultra Intelligent örgjörva sem gefur framúrskarandi myndgæði og líti.

Þrívídd

Tækið er með innbyggðri þrívídd og notar active tækni sem er öflugasta tæknin sem í boði er í dag. Tækið getur breytt venjulegri mynd í þrívídd (2D to 3D conversion). 2 Active þrívíddargleraugu fylgja.

SmartTV og Margmiðlun

Tækið er með hefðbundinn DVB-T móttakara og DVB-S móttakara fyrir þá sem nota gervihnattadisk. Ennfremur er tækið með innbyggðum margmiðlunarspilara, hægt að taka upp á flakkara af tækinu og innbyggður þráðlaus móttakari (dongle). Tækið er með Smart TV viðmóti og hægt að tengjast fjölda forrita, fara á netið og fleira.

Tengimöguleikar

Tækið er vel tengjum búið með 4 HDMI, CI kortarauf, 2 USB, nettengi, VGA, Scart, Optical og heyrnartólstengi.

ULTRA
Pure
image

COLOR
extender

MEGA
contrast

DIGITAL
pure sound

x4
HDMI

PVR
READY

USB
multimedia
browser

2USB
UNIVERSAL SERIAL BUS

eco
mode

Sjónvarpsmiðstöðin

THOMSON

RAFTÆKJAVERSLUN • SÍÐUMÚLA 2 • SÍMI 568 9090 • WWW.SM.IS